

UGOVOR O VRŠENJU USLUGA

Ovaj Ugovor je sklopljen dana 24.11.2023. godine u Mostaru između:

Agencije „Stari Grad“, M.Tita 170; 88000 Mostar (u daljnjem tekstu “Naručitelj”) koju zastupa direktor Miralem Fajić, na jednoj strani

i G.D. „BIŠINA“ d.o.o. Mostar, Ul. Braće Brkića br.6, 88000 Mostar Identifikacijski broj:4227213130004 (u daljnjem tekstu “Izvršitelj”) koju zastupa direktor Mirsad Bajgorić, na drugoj strani.

Budući da je Naručitelj nakon sprovedenog postupka javne nabavka usluga (brojčana oznaka JRJN: 71247000-1, Nadzor nad tekućim održavanjem enterijera i eksterijera u Starom gradu Mostaru (posl. prost. u ul. M. Tita 115), prihvatio izvršiteljevu ponudu kao najpovoljniju za izvršenje ugovorenih usluga po cijeni od 2.971,80 KM (dvijehiljaddevetstotinasedamdesetjeda i 80/100 KM) sa PDV-om, (u daljnjem tekstu “ugovorna cijena”), strane su se dogovorile kako slijedi:

Član 1.

UGOVORNI DOKUMENTI

1.1 Sljedeći dokumenti smatrat će se sastavnim dijelovima ugovora:

- (1) Ponuda odnosno specifikacija cijena koje je podnio ponuđač

Član 2.

PREDMET UGOVORA

Nadzor nad tekućim održavanjem enterijera i eksterijera u Starom gradu Mostaru (posl. prost. u ul. M. Tita 115).

Izvršitelj je dužan:

- a) Izvesti sve usluge u skladu sa ugovornim dokumentima, parafiranim od obje strane te ispuniti sve obaveze, koje su navedene u odredbama ovog ugovora,
- b) Izvesti sve nepredviđene usluge isključivo po zahtjevu Naručitelja koje su neophodne za ispunjenje ugovora, odnosno za dobivanje neophodne saglasnosti za ovaj projekat od nadležnih organa.

Član 3.

UGOVORNA CIJENA

3.1 Ugovorna cijena za izvršenje ugovornih usluga prema članu 2. ovog ugovora iznosi:

neto vrijednost usluga: 2.540,00 KM

slovima: (dvijehiljadepetstotinačetdeset i 00/100 KM)

i porez na dod. vrijed. – PDV: 431,80 KM

slovima: (četiristotinetricesetjeda i 80/100 KM)

što ukupno iznosi 2.971,80 KM

slovima: (dvijehiljaddevetstotinasedamdesetjeda KM 80/100)

Član 4.

NAČIN PLAĆANJA

4.1. Plaćanja Izvršitelju u okviru ovog ugovora izvršit će se po završetku usluga putem trezora Grada Mostara, u roku ne dužem od 30 dana od dana podnošenja računa od strane Izvršitelja Naručitelju.

4.2. Naručitelj će platiti ugovornu cijenu ili druge iznose, koji dospijevaju za plaćanje na temelju odredbi ugovora u vrijeme i na način propisan ugovorom, putem trezora Grada Mostara na račun Izvršitelja broj: **1346741006833986 kod ASA Banke d.d. Sarajevo.**

Član 5.

ROKOVI

5.1 Rok izvršenja usluge

Izvršitelj se obvezuje da će ugovorene usluge izvršiti u roku od **70 (sedamdeset) dana** od dana zaključenja ovog ugovora, odnosno dok Izvođač radova i Naručitelj ne potpišu Zapisnik o izvedenim radovima.

Član 6.

UGOVORNA KAZNA

6.1 Ugovorna kazna za prekoračenje ugovornog roka završetka radova iznosi 0,05% od ugovorne cijene po danu zakašnjenja.

6.2 Maksimalni iznos ugovorne kazne za prekoračenje ugovornog roka, prema 6.1 gore, je 3% od ugovorne cijene.

Član 7.

UGOVORNO PRAVO

7.1 Mjerodavno pravo ugovora je pravo Bosne i Hercegovine i Federacije Bosne i Hercegovine.

Član 8.

JEZIK UGOVORA

8.1 Mjerodavni jezik ugovora je jedan od službenih BiH jezika

Član 9.

ARBITRAŽA

9.1 Postupak arbitraže: U skladu s Pravilnikom o rješavanju sporova Stalnog izabranog sudišta pri Privrednoj komori u Mostaru.

9.2 Mjesto arbitraže: Mostar

Član 10.

PREDSTAVNIK NARUČITELJA

10.1 Naručitelj imenuje gosp. **Antu Šaina, dipl.ing.građ.**, koji će djelovati u njegovo ime u svrhu ovog ugovora, obavljati kontrolu nad provođenjem ugovora i ostale poslove u okviru istog.

Član 11.

PREDSTAVNIK IZVRŠITELJA

11.1 Izvršitelj imenuje gosp. **Nihada Elezovića, dipl.ing.građ. kao svog ovlaštenog predstavnika**, koji će djelovati u njegovo ime u svrhe ovog ugovora.

11.2. Izvršitelj nema pravo zapošljavati, u svrhu izvršenja ovog ugovora o javnoj nabavi, fizičke ili pravne osobe koje su sudjelovale u pripremi javne nabavke ili su bile u svojstvu člana ili stručne osobe koje je angažovala Komisija za nabavke Naručitelja, najmanje 6 (šest) mjeseci po zaključenju ugovora, odnosno od početka realizacije ugovora.

Član 12.

OBAVIJESTI

12.1. Službene obavijesti će se upućivati na adresu navedenu u zaglavlju ugovora.

Član 13.

POTREBNA OSIGURANJA

13.1. Izvršitelj snosi svu odgovornost i troškove osiguranja učesnika u izvršenju usluga.

Član 14.

STUPANJE UGOVORA NA SNAGU

14.1 Ugovor stupa na snagu po ispunjenju svih niže navedenih uslova:

- ugovor su potpisale obje strane;

Član 15.

15.1 Ovaj ugovor je sastavljen u 4 (četiri) istovjetna primjerka, od kojih svaka strana dobiva po 2 (dva) primjerka.

U potvrdu gore navedenog strane su potpisale ovaj dokument, čime je ugovor u skladu sa važećem zakonu sklopljen u Mostaru dana i godine naznačenih na početku ugovora.

U ime NARUČITELJA:
GRAD MOSTAR
AGENCIJA „STARI GRAD“

Direktor

Miralem Fajčić, dipl. pravnik

Protokol: 01-19-678/23-16
Datum: 24.11.2023.godine

U ime IZVRŠITELJA:
G.D. „BIŠINA“ d.o.o. Mostar

Direktor

Mirsad Bajgorić